

劉

氏

鴻

書

第四十一卷

人事部

三

獄

聞哭

梗陽獄

梁疑獄

羅織黨

羅織經

宛溪橋

賞

三行賞

流醪

善賞

一代英雄

廳頭甲

賞功二害

疏論七臣

題扇

曹內

首級

張元

用

堯官舜友

學於務成

禹湯武

土功

負鼎

周公攝位

卒見太公

六賊七害

再增二十四員

與賢者處

謀野

爲仲父

齊桓晉文

寧戚

介子推

宓不齊

充一藥石

有膽氣

薦

以死薦

薦佐

腹毳

朝車迎

斬壯士

舉仇

薦歐陽

薦李及

秀才子

擢第

報聖恩

選僧子

豪傑士

德報

絕縷

梁亭瓜

有私

盜侍兒者

求弼報德

蜀道難

讐報

九世

羊羹

聶政

眉間尺

蘆中人

覆楚復楚

嘗膽

豫讓

三遺矢

餘瀝

張良

段孝直

李生

屍激

忤高力士

張孝子

挑人

三舍

閨房事

天上人

阿合馬

詔削晚脫

王忬

一月錄終

劉氏鴻書卷之四十一

明 宣城劉仲達 纂輯

太史湯賓尹 刪正

人事部三

獄

鄭子產晨出過束匠之間聞婦人之哭也撫其手而聽之有間遣吏執而問之則手絞其夫者也異日其御問曰夫子何以知之子產曰其聲懼凡人於其親愛也始病而憂臨死而懼已死而哀今哭夫已死不哀而懼是以知其有姦也韓子韓滉在潤州事同

論衡

梗陽人有獄魏武不能斷以獄上其大宗賂以女樂魏子將受之魏武謂閻沒女寬曰主以不賄聞於諸侯若受梗陽人賄莫甚焉吾子必諫皆許諾退朝待於庭饋入召之比置三歎旣食使坐魏子曰吾聞諸伯叔諺曰唯食忘憂吾子置食之間三歎何也同辭而對曰或賜二小人酒不夕食饋之始至恐其不足是以歎中置自咎曰豈將軍食之而有不足是以再歎及饋之畢願以小人之腹爲君子之心屬厭而已獻子辭梗陽人左傳

梁有疑獄梁王曰陶之朱叟以布衣而富侔國是必有奇智乃召朱公而問之曰梁有疑獄吏半以爲當罪半

以爲不當罪爲吾決是奈何朱公曰臣鄙人也不知當
獄雖然臣之家有二白璧其色相如也其徑相如也其
澤相如也然其價也一者千金一者五百金王曰徑與
色澤皆相如也一者千金一者五百金何也朱公曰側
而視之其一者厚倍之是以千金王曰善故獄疑則從
去賞疑則從予梁國大悅史記景帝時廷尉上囚防年
繼母陳論殺防年父防年因殺陳依律殺母以大逆論
帝疑之武帝時年十二爲太子在傍帝遂問之太子答
凡夫繼母如母緣父之故比之於母今繼母無狀手殺
其父則下手之日母恩絕矣宜與殺人者同不宜以大

逆論從之
漢紀郭霸與來俊臣爲羅織之黨嘗按芳州刺史李思徵思徵不承乃拷殺之聖曆中思徵出見霸羈甚惡之退朝遽歸命家人速請僧轉經設齋須臾見思徵從數十騎止其庭詬曰汝枉陷我今取汝霸周章惶怖援刀自剗而歿是日閭里咸見焉霸纔氣絕思徵亦沒太子諭德張元一以齊諧侍奉時中橋新成則天問元一在外有何好事元一對曰洛橋成而郭霸歿卽好事也則天默然

世說新語

周興來俊臣等羅告天下衣冠巨族者不可勝紀俊臣案詔獄特造刑枷十具復有鐵圈籠頭名號數十又與

其徒侯思正衛遂忠等招集告事者數百人造告密羅織經一卷每訊囚先布枷杻於地召囚前見冤鬼飛越罕不自誣天授中春官尚書狄仁傑天官侍郎任令暉文昌左丞盧獻等五人並爲所告殺臣旣以族人爲功乃奏請一問卽承同首例得減死乃脅仁傑等令承反仁傑歎曰大周革命萬物維新唐朝舊臣甘從誅戮反是實後臣乃少寬之其判官王德壽謂仁傑曰尚書事已爾且得免死德壽今業已受驅策意欲少階級憑尚書韋馮孰柔可乎仁傑曰若之何德壽曰尚書昔在春官先乘任其司貟外引可也仁傑曰皇天后土遺仁傑

自行此事以頭觸柱血流被面德壽懼而謝焉仁傑旣承反所司但待日刑不復嚴備仁傑求守者得筆硯折被頭帛書之敘冤匿置於綿衣中謂德壽曰時方熱請付家人去其綿德壽不之慮仁傑子光遠得衣中書持以稱變得召見則天覽之憫然問俊臣曰卿言仁傑等反今子弟訴冤何多也使人視之使者將復命俊臣乃令德壽代仁傑等作謝从表代署附使者進之則天召仁傑等謂卿承反何也仁傑等曰向若不承反已死於枷棒矣則天曰何爲作謝从表仁傑等曰無之出表示之乃知代署仁傑等五人遂獲免

大唐新語

袁旭字廷輔樂安人初爲江津令正統初以輔臣薦擢任寧國府知府郡故繁劇旭應之裕如次舍多仍元舊歲久日敝旭並一新之治署學宮祠宇梁道壯麗甲於諸郡宛溪二橋尤百世利賴旭善撫綏雖薦興大役民不告擾壬戌詔舉守令治狀卓異者行宴賚凡十人旭與焉尋以涇人程御史誣致口語與督橋工醫官苟存善併逮繫獄斃旭去郡時行橐蕭然其在獄中詩云報國有心懸白日蓋棺無面見黃泉至今鄉父老稱賢守必曰袁公袁公語當時事猶泣然寃之云

宣州志

賞

晉文公出亡時陶叔狐從及反國行三賞而不及陶叔
狐陶叔狐見舅犯曰吾從君而亡十有二年顏色黎黑
手足胼胝今君反國行三賞而不及我也意者君忘我
與我有大故與子試爲我言之君舅犯言之文公文公
曰噫我豈忘是子哉夫高明至賢德行全誠耽我以道
說我以仁暴浣我行昭明我名使我爲成人者吾以爲
上賞防我以禮諫我以誼藩援我使我不得爲非數引
我而請於賢人之門吾以爲次賞夫勇壯強禦難在前
則居前難在後則居後免我於患難之中者吾又以爲
之次且子獨不聞乎歟人者不如存人之身亡人者不

如存人之國三行賞之後而勞苦之士次之夫勞苦之士是子固爲首矣豈敢忘子哉周內史叔輿聞之曰文公其霸乎昔先王先德而後力文公其當之矣

晉史

越王勾踐伐吳有獻醇醪王命注之上流令士卒下流飲之如酒佳美伐吳之師力戰百倍

吳越春秋

趙襄子出圍賞有功者五人高赦爲首張孟談曰晉陽之中赦無大功賞而爲首何也曰寡人之國危社稷殆計在憂約之中與寡人交而不失君臣之禮者唯赦是以先之仲尼曰賞一人而天下之人臣莫敢失禮善賞矣

晏子春秋

劉裕初名微位薄輕狡無行盛流皆不與相知唯王謐
獨奇貴之謂曰卿當爲一代英雄裕嘗與刁達擣捕不
時輸直達縛之馬柳謐責達而代償由是裕憾達而德
謐後謐爲公達亡族云

史編

梁葛侍中周鎮死之日有廳頭甲者年壯未婚有神彩
善騎射膽力出人偶因白事葛公召入時諸姬妾並侍
左右內有一愛姬乃國色也專寵得意常在公側甲窺
見愛姬目之不已葛公有所顧問至於再三甲方流眄
於殊色竟忘其對答公但俛首而已旣罷公微哂之或
有告甲者甲方懼但云神思迷惑亦不計憶公所處分

事數日之間慮有不測之罪公知其憂甚以溫顏接之
未幾有詔命公出征拒唐師於河上時與敵決戰交鋒
數日敵軍堅壁不動日暮軍士饑渴殆無人色公乃召
甲謂之曰汝能陷此陣否甲曰諾卽攬轡超乘與數十
騎馳赴敵事斬首數十級大軍繼之唐師大敗及葛公
凱旋乃謂愛姬曰甲立戰功宜有酬賞以汝妻之愛姬
泣涕辭命公勉之曰爲人之妻可不愈於爲人之妾耶
令具餚資粧其直數千緡召甲告之曰汝立功於河上
吾知汝未婚今爲其妻兼署列職此女卽汝所目者也
甲固稱死罪不敢承命公堅與之乃受葛公爲梁名將

威名著於敵中河北諺曰山東一條葛無事莫撩撥

堂開話

唐肅宗謂李泌曰今郭子儀李光弼已爲宰相若克兩京平四海則無官以賞之奈何對曰古者官以任能爵以酬功唐初未得關東故封爵皆設虛名其食實封者給繒布而已由是賞功者多以官夫以官賞功有二害非才則廢事權重則難制是以功臣居大官者皆不爲子孫之遠圖彙使祿山有百里之國則亦惜之以傳子孫不反矣爲今之計莫若疏爵土以賞功臣則雖大國不過二三百里可比今之小郡豈難制哉上曰善

唐書

趙宋王全斌之伐蜀也屬汴京大雪宋主設氈帷於講武殿衣紫貂裘帽以視事忽謂左右曰我被服如此體尚覺寒念征西將士衝冒霜雪何以堪處卽解裘帽遣中使馳賜全斌仍諭諸將曰不能偏及也全斌拜賜感泣故所向有功

綱目

張商英抗疏論七臣其略曰臣聞公輸知材之美惡然後能用其材之宜而作宮室岐伯知藥之陰陽然後能用其藥之性而治疾病人君之任其臣下亦猶此而已矣有大臣有忠臣有能臣有幹臣有容臣有幸臣有巧臣行義修於家道德重於身明於天人之微達於去就

之際親讐並用而不疑巨細並行而不亂若此者大臣也剛方正直卓然自信諫君之過期於無過去民之害期於無害不趨易而避難不辭怨而居惠若此者忠臣也智足以應卒術足以禦煩俯取譽乎民而民實受其賜仰取愛乎君而君實賴其功若此者能臣也治財則曖剝而速富使民則督迫而速從集事則峭刻而速成若此者幹臣也偷合苟生無所減否不卹國之安危不顧時之利病主之所予從而予之主之所奪從而奪之固祿恃寵爲妻子昆弟計若此者容臣也不義而富不忠而貴佞邪而君不知暗默而衆不測若此者幸臣也

揣摩捭闔善用機數迎風順旨鈞中主欲獻其小信以行其大詐委其小忠以濟其大姦若此者巧臣也大臣進則帝德興矣忠臣進則王業成矣能臣進則霸業強矣幹臣進則國本削矣容臣進則主聽昏矣幸臣進則君子退矣巧臣進則社稷亡矣此七臣者成敗治亂之機而人主之所當察也

荅艾集

宋張天覺旣相謝表有云十年去國門前之雀可羅一日歸朝屋上之鳥亦好徽宗親題所御扇焉

堯山堂外紀

明武寧王徐達性端謹重厚上下咸敬愛之上嘗召武寧夜飲命左右強之使醉既則命內侍送至舊宅爲吳

王時所居宿焉中夜武寧酒醒問曰此何處也內侍曰此舊內也卽起趨丹陛下北面四拜三叩頭而出上聞之喜自此愈信愛之不疑武寧嘗從南京至姑蘇見一女子絕色也則以重幣結之曰且不卽納當爲後期反師旋悔之使人道意令其他適女父堅求與女以侍巾櫛武寧固拒不從更遺數十金以助其資粟能且謝負約武寧之厚德如此

星明通紀

首級案秦法以斬一人首賜爵一級故因謂斬首爲級

綱目

慶曆間華州士人張元嘗累舉不第落魄不得志負氣

倜儻有縱橫材嘗薄遊塞上觀覽山川有經略西鄙意
其雪詩云戰罷玉龍三百萬敗鱗殘甲滿天飛又鷹詩
云有心待搦月中兔更向白雲頭上飛欲謁韓范二帥
耻自屈乃刻詩石上使人拽之市而笑其後二帥召見
之躊躇未用間已走西夏與曩霄謀抗朝廷連兵十餘
年文豹聞秦檜當國時有士人假其書謁揚州守守覺
其僞以白金五百兩繳原書管押其回秦接見之卽補
以官資或問其故曰有膽敢假檜書若不以一官束縛
之則北奔湖南走越矣觀秦此舉加於韓范一等矣淳
祐十二年朝廷以京學游士挑撻不純盡行放逐頗聞

其間亦有張元其人至心仁厚意防弘深開慶元年各盡照舊例放之叅供夫學校所以養士科舉所以取人而豪傑之士則非二者所能牢籠全在君相羅之於法度之外也

清夜錄

用

堯之時舜爲司徒契爲司馬禹爲司空后稷爲田疇夔

爲樂正垂爲工師伯夷爲秩宗臯陶爲大理益掌歐禽

說苑

舜七友雄陶方回續牙伯牙東不訾秦不虛靈甫

也

國策

舜學於務成昭昭教舜曰避天下之逆從天下

之順天下不足取也避天下之順從天下之逆天下不

足失也

邃古記

禹得臯陶伯益杜子業得既子黥得季子寧得然子堪
子玉得七大夫以佐其身而天下治外史湯得慶誦伊
尹湟里且東門東南門蟠西門疵北門側得七大夫佐
以治天下而天下治鬻子武王五佐太公周召畢毛也
一曰太公望周公召公畢公高蘇氏忿生呂氏春秋

伊尹之興土功也長脰者使之蹋鍤強脊者使之負土
眇目者使之繩準偃僂者使之塗地因事施用仍便效
才各盡其分而立功焉劉子伊尹負鼎以干湯湯令調
味甚甘得進見湯問之答曰使臣調國亦如是遂以爲

相果成王道

獨異志

周公攝天子位七年布衣之士執贊所師見者十二人
窮巷白屋所先見者四十九人時進善者百人教士者
千人官朝者萬人

說苑

文王將田史編布卜曰田於渭陽將大得焉非龍非鶻
非虎非羆兆得公侯天遺汝師以之佐昌施及三王文
王曰兆致是乎史編曰編之太祖史疇爲舜占得皇陶
兆比於此文王乃齋三日乘田車駕田馬田於渭陽卒
見太公坐茅以漁文公勞而問之曰子樂漁耶太公曰
君子樂得其志小人樂得其事今吾漁甚有似也文王

曰何爲其有似也太公曰釣有三權祿等以權歛等以權官等以權夫釣以求得也其情深可以觀大矣文王曰願聞其情太公曰源深而水流水流而魚生之情也根深而木長木長而實生之情也君子情同而親合親合而事生之情也言語應對者情之飾也言至情者事之極也今臣言至情不諱君其惡之乎文王曰唯仁人能受正諫不惡至情何爲其然太公曰縉微餌明小魚食之縉調餌香中魚食之縉隆餌豐大魚食之夫魚食其餌乃牽於縉人食其祿乃服於君故以餌取魚魚可殺以祿取人人可竭以家取國國可拔以國取天下天

下可畢嗚呼曼曼綿綿其聚必散嘿嘿昧昧其光必遠
微哉聖人之德誘平獨見樂哉聖人之慮各歸其次而
立歛焉文王曰立歛若何而天下歸之太公曰天下非
一人之天下乃天下之天下也同天下之利者則得天
下擅天下之利者則失天下天有時地有財能與人共
之者仁也仁之所在天下歸之免人之歟解人之難救
人之患濟人之急者德也德之所在天下歸之與人同
憂同樂同好同惡義也義之所在天下赴之凡人惡歟
而樂生好德而歸利能生利者道也道之所在天下歸
之文王再拜曰允哉敢 火之詔命平乃載與俱歸

火之詔命平乃載與俱歸

立爲師

參同契

文王曰王人者何上何下何去何取何禁何止太公曰
上賢下不肖取誠信去詐僞禁暴亂止奢侈故王人者
有六賊七害夫六賊者一曰臣有大作宮室池榭遊觀
倡樂者傷王之德二曰民有不事農桑任氣游俠犯歷
法禁不從吏教者傷王之化三曰臣有結朋黨蔽賢智
障主明者傷王之權四曰士有抗志高節以爲氣勢外
交諸侯不重其主者傷王之威五曰臣有輕爵位賤有
司羞爲上犯難者傷功臣之勞六曰強宗侵奪凌侮貧
弱傷庶人之業七害者一曰無智略權謀而重賞尊罰

之故強勇輕戰僥倖於外王者謹勿使爲將二曰有名無實出入異言掩善揚惡進退爲巧王者謹勿與謀三曰朴其身躬惡其衣服語無爲以求名言無欲以求利此僞人也王者謹勿近四曰奇其冠帶偉其衣服俾聞辯辭虛論高議以爲美容窮居靜處而誹時俗此姦人也王者謹勿寵五曰讒佞苟得以求官爵果敢輕歎以貪祿秩不圖大事貪利而動以高談虛論說於人主王者謹勿使六曰爲雕文刻鏤技巧華飾而傷農事王者必禁七曰僞方異技巫蠱左道不祥之言幻惑良民王者言必止之故民不盡力非吾民也士不誠信非吾士也

臣不忠諫非吾臣也吏不平潔愛人非吾吏也相不能
官臣強兵調和陰陽以安萬乘之主正羣臣定名實明
賞罰樂萬民非吾相也夫王者之道如龍首高居而遠
望深視而審聽示其形隱其情若天之高不可極也若
淵之深不可測也故可怒而不怒姦臣乃作可殺而不
殺大賊乃發兵勢不行敵國乃強文王曰君務舉賢而
不獲其功世亂愈甚以至危亡者何也太公曰舉賢而
不用是有舉賢之名而無用賢之實也文王曰其失安
在太公曰其失在君好用世俗之所譽而不得其賢也
君以世俗之所譽者爲賢以世俗之所毀者爲不肖則

洪書
卷之十一
七三
多黨者進少黨者退若是則羣邪比周而蔽賢忠臣歾
於無罪姦臣以虛譽取爵位是以世亂愈甚則國不免
於危亡

孫子

金主吳乞買得帝降表遂廢帝及太上皇帝爲庶人知
樞密院事劉彥宗請復立趙氏不許時金人根括津搬
絡繹道路上遣使歸云朕拘留在此候金銀數足方可
還於是再增侍從郎中二十四員再行根括又分遣搜
掘戚里宗室內侍僧道伎術之家凡八日得金三十萬
八千兩銀六百萬兩衣段一百萬詔令權貯納時根括
已申了絕二月軍前取過教坊人及內侍藍折等言各

有窖藏金銀乞搜取二酋怒甚於是開封府復立賞限
大行根括凡十八日城內復得金七萬銀一百十四萬
併衣段四萬納軍前二酋以金銀不足殺提舉官梅執
禮等四人餘各杖數百乃下令曰根括已正典刑金銀
尚或未足當縱兵於是再括宋紀本末

周公旦曰吾不如者吾不與處累我者也與我齊者吾
不與處無益我者也惟賢者必與賢於己者處賢者之
可得與處也禮之也主賢世治則賢者在上主不肖世
亂則賢者在下

周禮

謀於邑則否鄭國將有諸侯之事子產乃與裨谌乘以適野使謀可否而告馮簡子使斷之

周禮

齊桓公使管仲治國管仲對曰賤不能臨貴桓公以爲上卿而國不治桓公曰何故管仲對曰貧不能使富桓公賜之齊國市租一年而國不治桓公曰何故對曰疏不能制親桓公立以爲仲父齊國大安而遂霸天下孔子曰管仲之賢不得此三權者亦不能使其君南面而霸矣

管子

管仲傳公子糾鮑叔傳公子小白齊公孫無知殺襄公子糾奔魯小白奔莒齊人誅無知迎子糾於魯子糾與

小白爭入管仲射小白中其帶鉤小白佯歟遂先入是爲齊桓公子糾死管仲奔魯桓公立國定使人迎管仲立爲仲父委國而聽之九合諸侯一匡天下爲五霸長里鳬須晉公子重耳之守府者也重耳出亡于晉里鳬須竊其實貨而逃重耳反國立爲君里鳬須造門願見文公方沐其謁者復文公握髮而應之曰吾鳬須耶曰然謂鳬須曰若猶有以面目而復見我乎謁者謂里鳬須鳬須對曰臣聞之沐者其心覆心覆者言悖君意沐邪何悖也謁者復文公見之曰若竊我貨寶而逃我謂汝猶有面目而見我耶汝曰君何悖也是何也鳬須曰

然君反國國之半不自安也君寧棄國之半乎其寧有全者乎文公曰何謂也鳬須曰得罪于君者莫大於鳬須矣君謂赦鳬須顯出以爲右如鳬須之罪重也君猶赦之况有輕於鳬須者乎文公曰聞命矣遂赦之明日出行國使爲右翕然晉國皆安語曰桓公任其賊而文公用其盜故曰明主任計不任怒閭主任怒不任計計勝怒者強怒勝計者亡此之謂也國語

齊桓公知甯戚將任之以政羣臣爭讒之曰甯戚衛人也去齊不遠君可使人問之間之而固賢用未晚也公曰不然問之患其有小惡以其小惡忌其大美此世所

以失天下之士也乃夜舉火而爵之爲卿

韓子

介子推年十五爲荊相仲尼聞之使弟子徃視焉還曰

庭下有二十五俊士堂上有二十五老人仲尼曰合二

十五人之智智於湯武并二十五人之力力於賁育以

治其國有不濟乎說苑

按此介子推與晉文公不言祿

者又是一人

宓不齊字子賤單父宰所父事者三人兄事者五人友者十一人端居鼓琴不下堂而治

家語

元行冲謂狄梁公曰下之事上譬如富家儲積脯腊蹊腹以供資餧參术芝桂以防疾疚今門下充爲旨味者

多矣願以小人充一藥石可乎仁傑曰君正吾藥籠中物不可一日無也

王肩

宋乾德間郭進從征澤路遷洛州防禦使充西山巡檢御下嚴毅宋主責戍卒必諭之曰汝輩謹奉法我猶貸汝郭進殺汝矣嘗有軍校自西山詣汴誣訟進不法事宋主詰知其情送進令殺之會北漢來伐進語其人曰汝敢論我信有膽氣今貰汝罪汝能掩殺敵兵當卽薦汝如敗可自投河東其人踴躍赴戰大致克捷進卽以聞乞還其職宋主從之

紅日

薦

禽息秦大夫薦百里奚不納以頭擊車爛腦曰臣生無
補於國不如死也公感乃用百里奚爲相

史記

晉文公問於舅犯曰誰可使爲西河守者舅犯對曰虞
子羔可也公曰非汝之讐耶對曰君問可爲守者非問
臣之讐也羔見舅犯而謝之曰幸赦臣之過薦之於君
得爲西河守舅犯曰薦子者公也怨子者私也吾不以
私事害公義子其去矣

晉史

晉平公遊於河而歎曰安得賢士與之樂此也船人孟
晉跪而對曰主君亦不好士耳何患無士乎公曰吾食
客門左千人右千人何謂不好士乎對曰夫鴻鵠一舉

千里所恃者大翮耳背上之毛腹下之毳益一把飛不爲加高損一把飛不爲加下今君之食客門左右各千人亦有大翮在其中矣將皆背上之毛腹下之毳耶

說苑

管仲束縛在魯桓公欲相鮑叔鮑叔曰吾君欲霸王則管夷吾在彼臣弗若也桓公於是乎使人告魯曰管夷吾寡人之仇也願得之而親加手焉魯君許諾乃使吏櫛其拳膠其目盛之以鴟夷置之車中至齊境桓公使人以朝車迎之祓以爟火爨以犧牲焉生與之如國命有司除廟筵几而薦之

呂氏春秋

人知蕭何識韓信而不知先有勝公嬰漢書信傳信爲

連赦坐法當斬其儔十三人皆已斬至信信乃仰視適見滕公曰上不欲就天下乎而斬壯士滕公奇其言壯其貌釋弗斬與語大悅之言於漢王漢王以爲治粟都尉是滕公活信而又知信顧高祖信之不如何耳又滕公先薦韓信後薦季布可謂一時人倫之鑒

唐李夷簡彈楊憑貶臨賀尉親友無敢送者獨徐晦送至藍田與別未幾夷簡薦晦爲御史曰君不負楊臨賀肯負國乎世未嘗不兩賢之而李公尤得古人舉讐之意焉

林居漫錄

唐之名士天下望以爲相而竟不用使愈爲之未必無
補於唐而譚者至今以爲謗歐陽修今之韓愈也而陛
下不用臣恐後之譚者謗必及國不特臣輩而已陛下
何惜不一試之以曉天下後世也上從之

宋書

宋曹穆公久在秦州累章求代真宗問王旦誰可代瑋
者旦薦樞密直學士李及上卽以及知秦州衆議皆謂
及雖謹厚有行檢非守邊之才不足以繼瑋楊億以衆
言告旦旦不答及至秦州將吏心亦輕之會有屯駐禁
軍白晝掣婦人銀釵於市中吏執以聞及方坐觀書召
之使前略加詰問其人服罪及不復下吏亟命斬之復

觀書如故將吏皆驚服不日聲譽達於京師億聞之復見旦而具道其事且曰向者相公初用及外廷之議皆恐及不勝其任今及才器乃如此信乎相公知人之明也旦笑曰外廷之議何其易得也夫以禁軍戍邊自晝爲盜於市主將斬之事之常也烏足以爲異政乎旦之用及者其意非爲此也夫以曹瑋知秦州七年羌人讐服邊境之事瑋處之已盡其宜使他人往必矜其聰明多所變置敗壞瑋之成績旦所以用及者但以及重厚必能謹守瑋之規模而已億由是服旦之識度宋記

宋虞雍公初除樞密偶至陳丞相閣子內見楊誠齋手

慮策讀一遍歎曰東南乃有此人物某初除合薦兩人當以此人爲首陳導誠齋謁雍公一見握手如舊誠齋曰秀才子口頭言語豈可便信雍公大笑卒援之登朝誠齋嘗言士大夫窮達不必容心某平生不能開口求薦然薦之收秩者張魏公也薦之立朝者虞雍公也二公蜀人皆非平生之雅

劇賓錄

王應麟字伯厚慶元人開慶間嘗充讀卷官至第七卷頓首曰是卷古誼若龜鑑忠肝如鍊石臣敢以得士賀遂擢第一乃文天祥也尋轉給事中忤旨遂挂冠歸

文

正統末王振謂三楊朝廷事虧三位老先生然三先生亦高齡倦瘁矣其後當如何文貞曰老臣當盡瘁報國歟而後已文敏曰不然楊先生休如此說吾輩衰殘無以效力當薦幾箇後生報聖恩耳振喜令具名來翌卽同薦陳循高穀苗衷等振欣然用之文貞或讓文敏文敏曰彼厭吾輩矣吾輩縱自力彼豈自己乎一旦內中出片紙上寫幾個名字某入閣某入閣則吾輩束手而已今數士竟是我輩人當一心力也文貞歎服

九朝野記

脫脫固辭相位順帝問誰可代者以阿魯圖對遂召用之封脫脫爲鄭王阿魯圖旣爲相議除一人爲刑部尚

書或難之曰此人柔軟非刑部所可用阿魯圖曰選僧子邪若選僧子須用強壯人尚書詳讞刑獄不枉人壞法卽是好官何用強壯者爲其爲治知體如此

元史

豪傑之士所在有之然豁達大度必如漢高祖英武大志必如唐太宗則能使之聞風作興否則雖楚有材晉實用之或反爲吾國之患燕不能留樂毅而毅爲趙用魏不能用范睢而睢爲秦用晉不能致王猛而猛爲苻堅用後唐不能任韓延徽而延徽爲契丹用蓋必有非常之主而後能用非常之人駱賓王作復唐祚檄武后覽之曰宰相之過也安有如此材而使之流落不偶耶

黃巢舉進士不中第嘗賦菊花詩朝廷不能收拾之流聚爲盜號衝天大將軍卒陷長安

清夜錄

德報

莊王賜羣臣酒日暮酒酣燭滅有引婦人之衣者美人援絕其冠纓告王曰今者燭滅有引妾衣者妾援得其冠纓趣火來上視絕纓者王曰賜人酒使醉失禮奈何欲顯婦人之節而辱士乎乃命左右曰今日與寡人飲不絕纓者罰羣臣百餘人皆絕去其冠纓而上火卒盡歡而罷居二年晉與楚戰有一臣常在前五合五獲首却敵卒得勝之莊王怪而問曰寡人德薄又未嘗與子

子何故出死力如是對曰臣蔣雄往者醉失禮王隱忍不暴而誅也臣終不敢以陰蔽之德而不顯報王也常願肝腦塗地用頸血湔敵久矣臣乃夜絕縷者也

楚史

楚相

梁大夫有宋就者嘗爲邊縣令與楚隣界梁之邊亭與楚之邊亭皆種瓜各有數梁之邊亭人劬力數灌其瓜爪美楚人窳而稀灌其瓜瓜惡楚令因以梁瓜之美怒其亭瓜之惡也楚亭人心惡梁亭之賢已因往夜竊搔梁亭之瓜皆有死焦者矣梁亭覺之因請其尉亦欲竊往報楚亭之瓜尉以請宋就就曰惡是構怨之道也人

惡亦惡何福之甚也若我教子必每暮夜竊爲楚亭善灌其瓜勿令知也於是梁亭乃每夜竊灌楚亭之瓜楚亭旦而行瓜則又皆以灌矣瓜日以羨楚亭怪而察之則乃梁亭也楚令聞之大悅因具以聞楚王聞之怒然愧以意自閔也告吏曰徵搔瓜者得無有他罪乎此梁之陰讓也乃謝以重幣而請交於梁王故梁楚之歡由宋就始

賈誼書

或問漢第五倫公有私乎對曰人有與吾千里馬者雖不受每三公有所與送心不能忘亦終不用豈能謂無私

漢書

漢袁盎自其爲吳相時嘗有從史盜盎愛侍兒盎知之弗泄遇之如故人有告從史言君知爾與侍者通乃亡歸袁盎驅自追之遂以侍者賜之復爲從史及袁盎使吳見守從史適爲守盎校尉司馬乃悉以其裝齋置二石醇醪會天寒士卒饑渴飲酒醉西南陬卒皆臥司馬夜引袁盎起曰君可以去矣吳王期旦日斬君蓋弗信曰公何爲者司馬曰臣故爲從史盜君侍兒者盎乃驚謝曰公幸有親吾不足以累公司馬曰君第去臣亦且亡避吾親君何患乃以刀決張道從醉卒直出司馬與分背袁盎解節毛懷之杖步行七八里明不騎馬

馳去遂歸報

漢書

唐太宗時李大亮爲龐玉兵曹爲李密所獲同輩皆歟
賊帥張弼見而釋之遂與定交及大亮貴求弼欲報其
德弼自匿不言大亮遇諸塗而識持弼而泣多推家貲
以遺弼弼拒不受大亮言於太宗乞悉以其官爵受弼
太宗爲之擢弼爲中郎將時人皆賢大亮不負恩而多
弼之不伐也

唐紀

唐李白嘗爲蜀道難歌曰蜀道難難於上青天白以刺
嚴武也後陸暢復爲蜀道易曰蜀道易易於履平地暢
佞韋臯也初暢受知於臯乃爲蜀道易獻之臯大喜贈

羅入百疋韋蒙朝廷欲繩其旣往之事復閱先所進兵器刻定秦二字不相與者因欲構成罪名暢上疏理之云臣在蜀日見在所進兵器定秦者匠名也由是得釋

尚書故實

仇報

齊襄公享於周紀侯譜之襄公將復仇於紀遠祖九世矣九世猶可以復仇雖百世可也

左傳

晉羊斟爲宋華元御車華元殺羊爲羹以賞軍士不與羊子怨望次日臨陣交戰羊子御車曰疇昔之羹子爲政今日之車我爲政故引車至鄭軍中竟被鄖人執之

而去

左傳

春秋時聶政父爲韓王治劙不成王殺之時政未生及壯問母父何在母告之政欲殺王乃學塗入王宮拔劙刺王不得踰城出去入太山遇仙人學鼓琴漆身爲厲吞炭變其音七年而琴成欲入韓國道逢其妻妻對之泣政曰夫人何故泣妻曰聶政出遊七年不歸吾常夢見對妾笑君齒似政故悲而泣政曰天下人齒盡政若耳曷爲泣乎卽復入山中仰天歎曰嗟乎變容易身欲報仇而爲妻所知父雖當何時復援石擊落其齒留山中三年後入韓國人莫知政政鼓琴闕下觀者成行王

乃召政政內刀琴中而見王王使之琴政援琴而歌於
是左手持衣右手出刀以刺王殺之自知當及母卽自
犁剝皮面斷其形體人莫能識乃梟裂政市懸金其側
有知此人者賜金千斤一婦人往哭曰嗟乎爲父報仇
耶顧謂市人曰此聶政也爲父報仇知當及母乃犁面
何愛一女子身而不揚吾子名哉乃抱政屍而哭絕行
脉而歿

二酉編述

眉間尺者眉間濶一尺楚人干將鎮邪之子楚王夫人
嘗於夏納涼而抱鐵柱心有所感遂懷子產一鐵楚王
命鎮邪鑄爲雙劍三年乃成劍一雌一雄天下名器也

乃以雌劔獻君留其雄者其妻重身當產謂其妻曰吾藏劔在南山之陰北山之陽松生石上劔在其中君若覺殺我爾生男以告之後劔在匣常悲鳴王問羣臣對曰劔有雌雄鳴者雌憶其雄王怒收鎬邪殺之妻後生眉間尺及壯問父所在母曰汝父爲楚王作劔三年乃成王怒殺之去時囑我語汝子出戶望南山松生石上劔在其背於是子出戶南望不見有山但覩堂前松柱下石砥之上則以斧破其背得劔日夜思欲報楚王楚王夢見一兒眉間濶尺許詞欲報仇購求甚急乃逃諸山中行歌道逢一客問之曰子眉間尺乎曰是也客曰

我能爲子報仇尺曰父無分寸之罪枉被荼毒君今惠
念何所用邪客曰聞王購子頭千金將子頭與鰣來爲
子報之尺曰幸甚卽自刎兩手捧頭及鰣奉之立僵曰
不負子也於是屍乃仆客持頭往見楚王楚王大喜客
曰此乃是勇士頭也當於湯鑊煮之王如其言煮其頭
三日三夜不爛頭踔出湯中瞋目大怒客曰此頭不爛
願王自臨視之是必爛也王卽臨之客於後以鰣擬王
頭墮鑊中二頭相咬七日後一時俱爛不可識別乃分其湯
湯中三頭相咬七日後一時俱爛不可識別乃分其湯
肉而葬之今在汝南北宜春縣界名曰三王冢也

吳誠

楚太子建有子名勝伍員因平王殺其父兄與勝奔吳到昭關關吏欲執之伍員因詐曰上所以索我者美珠也今我已亡矣將去取之關吏因舍之與勝行去追者在後幾不得脫至江江中有漁父泝水而上子胥呼之謂曰漁父渡我如是者至漁父欲渡之會旁有人窺之因而歌曰日月昭昭乎侵已馳與子期乎蘆之漪又歌曰日已夕兮予心憂悲月已馳兮何不渡爲事寢急兮當奈何子胥乃渡漁父視之有饑色乃謂曰子俟我此樹下爲子取餉子胥疑之乃潛身於深葦之中有頃父

來持麥飯鮑魚羹益漿求之樹下不見因歌而呼之曰
蘆中人蘆中人如是至再子胥乃出漁父曰何嫌哉子
胥曰性命屬天今屬丈人豈敢有嫌乃解百金之劔以
與漁者此吾前君之劔中有七星價值百金以此相答
漁父曰吾聞楚令得伍胥者賜粟五萬石爵執圭豈圖
取百金之劔乎子急去勿留且爲楚所得子胥曰請丈
人姓字漁父曰今日凶凶兩賊相逢吾所謂渡楚賊也
何用姓字爲子爲蘆中人吾爲漁丈人富貴莫相忘也
子胥曰諾行數步顧視漁者已覆船自沉於江子胥默
然遂行至吳疾於中道乞食溧陽適女子擊綿於瀨水

之上笞中有飯子胥遇之謂曰夫人可得一餐乎女子
曰妾獨與母居三十未嫁飯不可得子胥曰夫人賑窮
途少飯亦何嫌哉女子知非恒人遂許之發其簞笞飯
其益漿長跪而與之子胥再餐而止女子曰君有遠逝
之行何不飽而餐之子胥已餐而去又謂女子曰掩夫
人之壺漿無令其露女子歎曰嗟乎三十年自守貞明
不願從適何宜餽飯而與丈夫越虧禮儀妾不忍也子
行矣子胥行反顧女子已自投於瀨水矣趙絕

伍員覆楚日以不得昭王乃掘平王之墓出其屍鞭之
三百左足踐腹右手抉其目誚之曰誰使汝用讒諛之

口殺我父兄豈不寃哉遂引軍擊鄭鄭定公前殺太子
建而困迫子胥自此鄭定公太懼乃令國中曰有能還
吳軍者吾與分國而治漁者之子應募曰臣能還之不
用尺兵斗糧得一橈而行歌道中卽還矣公乃與漁者
之子橈子胥軍將至當道叩橈而歌曰蘆中人如是再
子胥聞之愕然大驚曰何等語公爲誰曰漁父者子吾
國君懼怖令於國有能還吳軍者與之分國而治臣念
前人與君相逢於途今從君乞鄭之國子胥歎曰悲哉
吾蒙子前人之恩自致於此上天蒼蒼豈敢忘也於是
乃釋鄭國還軍守楚求昭王所在日急申包胥亡在山

中聞之乃使人謂子胥曰子之報仇其以甚乎子故平王之臣北面事之今有僇辱之辱豈道之極乎乃之秦求救楚書馳夜趨足踵蹠劈裳裹膝鶴倚哭於秦庭七日七夜口不絕聲秦伯公素沉湎不恤國事申包胥哭已歌曰吳爲無道封豕長蛇以食上國欲有天下政從楚起寡君出在草澤使來告急如此七日伯公大驚楚有賢臣如是吳猶欲滅之寡人無臣若斯者其亡無日矣爲賦無衣之詩曰豈曰無衣與子同袍王于興師與子同仇寡人聞命矣子且就館將圖而告包胥每章三頌首凡九頌曰寡君今在草野未獲所伏臣何敢卽

安復立於庭倚牆而哭日夜不絕聲勾氷不入口秦伯爲之垂涕卽出師而送之

趙然

越王勾踐不納范蠡之諫興兵伐吳果大敗於吳之東門越王以餘兵五千退保會稽遂苦身勞思置膽於坐臥之所出入嘗之不忘其苦與臣蠡種輩生聚教訓二十年果獲吳軍以雪東門之耻

百家名書

豫讓爲知伯報仇欲刺襄子伏於橋下爲襄子所得使兵環之讓願請其衣而擊之襄子義之脫附身之衣以與之讓拔劒三躍呼天擊之衣盡出血使者曰而可以報知伯矣遂伏劒而歿襄子回車車輪未周而亡

史記

張儀飲於楚相門意儀盜璧笞數百後相秦檄楚曰始吾從若飲我不盜而璧若笞我若善守而國我且盜若

城

史記

趙孝成王薨悼襄王立使樂乘代廉頗爲將頗怒攻之遂出奔魏趙師數困王復思之使視頗尚可用否頗之仇郭開多與使者金令毀之使者報曰廉將軍老尚善飯與臣坐頃之三遺矢矣王遂不召

天中記

齊中大夫有夷射者御飲於王醉甚而出倚於郎門門者別跪請曰足下無意賜之餘瀝乎夷射曰叱去刑餘之人何事乃敢乞飲長者別跪走退夷射去別跪因捐

水郎門雷下類溺者之狀明日王出而呵之曰誰溺於
是則跪對曰臣不見也雖然昨日中大夫夷射立於此
王因誅夷射

韓非子

韓人張良其大父開地相韓昭侯宣惠王襄哀王父平
相釐王悼惠王後秦滅韓良年少未宦事韓良家僮三百
百人弟焱不葬悉以家財求客刺秦王爲韓報仇以大
父父五世相韓故良常學禮淮陽東見倉海君得力士
爲鐵椎重百二十斤秦始皇東遊至陽武良與客俱擊
秦始皇博浪沙中誤中副車始皇大怒大索天下求賊
甚急良乃更名姓亡匿下邳

史記

漢景帝時段孝直舉孝廉爲長安長有所乘駢駿馬日行五百里雍州刺史梁緯與帝連姻恃勢索之直辭以亡考所乘不敢輒奉緯因致恨密構孝直取受贓事乃置下獄不令家下通往直知不免使告妻曰刺史陰謀欲奪我馬私捏人訴意欲殺我我必歿矣汝等幼冲未能申雪可將紙筆安我墓中當自申理直歿獄中家人收葬如其言置之不五十日景帝大宴羣臣孝直於殿前上表訴冤併以緯不法事二十一條條奏別狀帝覽表訖直忽不見帝甚異之詔收緯付獄勘之事皆不虛帝勅將緯於直墓所斬而祭之故語云莫言鬼無身杜

伯射宣王莫言鬼無形孝直訟生人

搜神記

唐貞元中有李生者家河朔間少有膂力恃氣好俠不拘細行常與輕薄少年遊年二十餘方折節讀書爲詩歌人頗稱之屢爲河朔官後至深州錄事叅軍生美風儀善談笑曲曉吏事廉謹明幹至於擊鞠飲酒皆號爲能雅爲太守所知時王武俊帥成德軍恃功負衆不顧法度郡守畏之側目嘗遣其子士真巡屬郡至深州太守大具牛酒所居備聲樂宴士真太守畏武俊而奉士真之禮甚謹又慮有以酒忤士真者以故僚吏賓客一不敢召士真大喜以爲他君莫能及飲酒至夜士真乃

曰幸使君見待之厚欲盡歡於今夕豈無嘉賓願得召
之太守曰偏郡無名人不敢奉宴席唯錄事叅軍李某
足以侍談笑士真曰但命之因召李生入趨拜士真目
之色甚怒旣而命坐貌益恭士真愈不悅瞪顧攘腕無
向時之歡矣太守懼莫知所謂顧視生覩然而汗不能
持杯一坐皆愕有頃士真叱左右縛李某繫獄左右卽
牽袂疾去械獄中已而士真歡飲如初迨晚宴罷太守
且驚且懼乃潛使於獄中訊李生曰君貌甚恭且未嘗
言固非忤於王君者君寧自知耶李生悲泣久之乃曰
嘗聞釋氏有現世之報吾知之矣某少貧無以自資由

是好與俠士遊往往掠奪里人財帛常馳馬腰弓往還
大道日百餘里一日遇一少年鞭駿驢負二巨囊吾利
其資顧左右皆巖崖萬仞而日漸曛黑遂力排之墮於
崖下卽疾驅其驢至逆旅解其囊得繪百餘段自此家
稍贍因折弓矢閉門讀書遂仕而至此及今凡二十七
年矣昨夕奉命旣入而視王公之貌乃曩時所殺少年
也一拜之後中心慚惕自知死不朝夕今則延頸待刃
又何言哉爲我謝君侯幸知我深敢以身後爲託有頃
士真醉悟急召左右往取李某首左右卽於獄中斬其
首以進士真熟視而笑旣而又與太守大飲於郡齋酒

醉因歡而訊其故士真笑曰李生亦無罪但吾一見之
遂忿然有戮之之意今旣殺之吾亦不知其所以然也
君無復言及宴罷太守密訊其年則政二十有七

太平廣記

唐左史江融耿介正直揚州徐敬業反被羅織酷吏周
興等枉奏殺之斬於陳都都亭驛前融將被誅請奏事
引見興曰因何得奏事融怒叱之曰吾無罪枉戮歟不
捨汝遂斬之歟乃激揚而起蹭蹬十餘步行刑者踏倒
還起坐如此者三乃絕雖斷其頭似怒不息無何周興

从朝野錄載

天寶中李白供奉翰林興慶池東沉香亭木芍藥開上

乘照夜車太貞妃以步輦從選梨園中弟子得樂十六
色李龜年手捧檀板押衆樂前上曰賞名花對妃子焉
用舊詞命龜年持金花牋宣賜李白立進清平調三章
龜年歌之太貞妃持玻瓈七寶杯酌西涼葡萄酒笑領
歌意上調玉笛以倚曲每曲徧將換則遲其聲以媚之
自是顧李翰林異諸學士會高力士終耻脫靴妃重唐
前詞力士曰以飛燕指妃子賤甚矣妃頗然之上嘗三
欲命白官卒爲宮中所捍而止

天寶遺事

五代時張藏英范陽人父母爲賊孫居道所殺後逢居
道於幽州市引佩刀刺之不歿爲吏所執節帥趙德鈞

壯之釋不問居道避於關南藏英求爲關南都巡檢使至則微服攜鐵鎚伏居道舍伺其出擊之什於地齧其耳噉之遂擒歸設父母位陳酒殮縛居道於前號泣鞭之齧其肉經三日剝其心以外卽詣官首服官爲上請而釋之燕薊間目爲報仇張孝子逸史

萬亮爲永康令嚴刻人憚之乃以桃木刻作亮身燒柴煮湯火火熾桃人自鼎跳去異死

王荊公在中書作新經義以授學者太學諸生幾及三千人以至包展錫慶院朝集院尚不能容又令判監直講程第諸生之業處以上中下三舍而人間傳以爲凡

試而中上舍者朝廷將以不次升擢於是輕薄書生矯飾言行奔走公卿門若市矣會秋試有期而御史黃廉上言乞不令直講判監爲開封國學試官又有饒州進士虞蕃伐登聞鼓言凡試而中上舍者非以勢得卽以利進孤寒才實者例被黜落上卽此二說疑程考有私遂下蕃於開封府而蕃言參知政事元絳之子耆寧嘗私薦其親知而京師富室鄭居中饒州進士章公弼等用賂結直講余中王沈之判監沈季長而皆補中上舍是時許將權知開封府惡蕃之告訐抵之罪上疑其不直移劾於御史府追逮甚衆而蕃言許將亦嘗薦親知

於直講於是攝許將元者寧及監判沈季長黃履直講
余中葉唐懿葉濤龔原王沈之沈鉢等皆下獄其間亦
有受請求及納賂者獄具許將落翰林學士知蘄州沈
季長落直舍人院追官勒停元者寧落館職元絳罷參
政以本官知亳州王沈之余中皆除名其餘停任諸生
坐決杖編管者數十而士子奔競之風少挫矣

東軒筆錄

宋趙槩除知制誥會歐陽修甥嫁爲修從子晟妻與人
淫亂事覺語連及修時爲龍圖閣直學士疾韓范者皆
欲致修罪云與甥亂上怒下修獄羣臣無敢言槩上書
言修以文學爲近臣不可以閨房曖昧之事輕加汚蔑

所惜者朝廷大體耳書奏上不悅人爲之懼槩亦澹然
如平日久之修終坐階槩亦求去

褚記室

嘉定三年蒙古侵金先是金主永濟嗣位有詔至蒙古
傳言當拜受蒙古主謂金使曰新天子爲誰曰衛王也
蒙古主還面南唾曰我謂中原皇帝是天上人做此等
庸懦亦爲之耶何以拜爲卽乘馬北去金使還言永濟
怒欲俟蒙古入貢就害之蒙古主知之遂與金絕益嚴
兵爲備數侵掠金西北之境其勢漸盛金人惶惶禁百
姓傳說邊事

宋事本末

元阿合馬專政內通貨財外示威刑廷中相視無敢論

列有宿衛士秦長卿者慨然上書發其姦竟爲阿合馬
所殺十九年三月世祖在上都皇太子從有益都千戶
王著者素志疾惡因人心憤怨密鑄大銅鎚誓擊阿合
馬會妖僧高和尚以事逃詐外人無知者著乃與合謀
以戊寅日詐稱皇太子還都作佛事結入十餘人夜入
京城旦遣二僧詣中書省令市齋物及午著又遣催總
管矯傳令旨發兵以是夜會東宮前僞太子者以二鼓
入建德門至東宮前其徒皆下馬獨僞太子立馬指揮
呼省官至前責阿合馬數語著卽牽去以所袖銅鎚碎
其腦立斃繼呼左丞赦禎至殺之阿合馬黨也尚書張

九思發其詐留守司達魯花赤博敦遂持梃前擊立馬
者墜地弓矢亂發衆奔潰多就擒著挺身請囚事聞世
祖命樞密副使蒙羅等馳驛至大都討爲亂者壬午誅
王著高和尚于市皆醢之著臨刑太呼曰王著爲天下
除害今死矣興日必有爲我書其事者阿合馬歿世祖
猶未深知其姦詭蒙羅乃盡得其罪惡始大怒曰王著
殺之誠是也乃命發墓剖棺僇尸于通玄門外縱犬嚼
其肉按著素無怒于阿合馬爲天下除殘耳昔商容嘗
執羽籥憑於馬徒欲以伐紂而不能遂去伏於太行高
漸離欲以筑擊秦始皇而不中見殺張良博浪之鎧乃

又誤中於副車伍孚袁小鑑於朝服挾佩刀刺董卓而爲卓所殺施全亦見殺於秦檜如著雖見殺而阿合馬已塗腦於著之手著可無五子之憾也已

金鑑

元至元間詔削脫脫官爵安置淮安以太不花等代總其軍初脫脫之再相信用汝中柏由左司郎中叅議中書省平章以下見其議事莫敢異同惟哈麻以有德于脫脫不爲之下汝中柏因譖之脫脫改爲宣政院使哈麻深嬁之至是嗾御史袁賽因不花等劾脫脫出師三月略無寸功傾國家之財以爲已用半朝廷之官以爲已隨其弟御史大夫也先帖木兒庸材鄙器玷污清臺

紀綱之政不修貪淫之心益著章三上詔以脫脫老師費財已逾三月坐視寇盜恬不爲意削去官爵淮安安置也先帖木兒安置寧夏以太不花月闍察兒雪雪代將其兵詔至軍中龔伯遂曰將在軍君命有所不受且丞相出師時嘗密旨一意進討可也詔書且勿開開則大事去矣脫脫曰天子詔我而我不從是我與天子抗也君臣之義何在旣受詔卽出名甲名馬分賜諸將俾各帥所部以聽月闍察兒等節制客省副使哈刺答曰丞相此行我輩必死他人之手今日寧死丞相前遂拔刀自刎而死

元史

明嘉靖朝逮大同巡撫都御史王忬下獄論死先是嚴嵩殺楊繼盛忬子世貞忿繼盛忠言死於權姦以詩弔之刑部員外况叔祺遂以世貞詩告嵩嵩喜叔祺改禮部陞從學副使因憾世貞未有以中之又嚴世蕃索古畫於忬云值千金忬有臨幅絕類真者以獻乃有精於辨畫者往來世貞家有所求爲世貞斥之其人知忬所與世蕃畫非真幅也密以語世蕃會大同有虜警御史阿意諭劾世蕃遂告嵩票本王忬官久志怠調度失宜致賊深入近京地方生靈被慘還着錦衣衛差官校去拿了杻解來說鎮撫司打供送部擬流比照宣大總督

翟鵠陝西總督張珩事例充軍嵩復票旨再從重擬來
看該尚書鄭曉再議得王忬所犯合比依守邊將帥守
備不設爲賊所掩襲因而失陷城寨律斬奉旨處決通